



8. august 2024

UKA2024/105

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara.

Soraarninngornikut pisortat ingerlataannik angalatitsiviit aqputigalugit akikinnerusumik angalasinnaanerit ukioq naallugu atuutilernissaa aammalu soraarninngornikunut billetsit ukioq naallugu killeqanngitsumik pisiassaasinnaanerit aningaasatigut qanoq naleqassanersoq Naalakkersuisut misissuinissaannik Inatsisartut aalajangiiffigisassatut siunnersuut. Misissuineq soraarninngornikut akikinnermik angalasarnerannut malittarisassat allannngortinnissaannik tunngaviliissaaq, kingusinnerpaammilu UPA2025-mi inatsisartunut saqqummiunneqassalluni.

(Inatsisartunut ilaasortaq Jens NapātôK, Naleraq)

Tunngavilersuut:

Nunatsinni angalaninarneq akisoorujussuusoq tamaavitta ilisimavarput. Air Greenland aammalu Arctic Umiaq Line nunatta tamakkiisumik pigivaat, taamaattumik Naleqqamiit akuerisinnaanngilluinnarparput Naalakkersuisut akinik taamak amiilaarnartigisunik akuersaaginnartut.

Nunatsinni isertitakittut inuuniarnermikkullu ilungersortut amerlaqaat. Tamanna aamma soraarninngornikunut atuuppoq. Air Greenland ukiut tamaasa millioninik taamannanik sinneqartoortuartoq nuannaarutigineqartuartoq, soorlu ukioq kingulleq 83,4 mio. Kr-inik sinneqartoortut¹ Naleqqamiit isiginngitsuusaaginnarsinnaanngilarput.

Inuk soraarneq ilaqquttat ikinngutillu tikeraarlugit - ukiuugaluarpas, aasaagaluarpas nalliuttorsiorfinniugaluarpas ukioq kaajallallugu akikitsumik angalasinnaasariaqarpoq. Inuk qanigisani ilaginerugaangamigit ilorrisimaarnerulertartoq ilisimatuussutsigut naqissueqattaareernikuuvoq. Taamaattummik inuit soraarnerit soraarnerussutissiaat annikereertigisoq angalasinnaanerit angalatitsiviit pisortanit pigineqartunit Air Greenland² kiisalu Arctic Umiaq Line-imi³ killilersorneqarluni akisunerusumillu ingerlatsimmata paasiuminaappoq.

Soraarnerit taamatut ukioqalernikuullutik inuulluataarfissaraluarat annikilliornermik atugarlionermillu taarserneqarnikoq angalatitsiviit pisortat pigisaat qaavatigut killilersuinerat akuerineqarsinnaanngilaq taamaattumik Naleqqamiit pisisissamisoorivarput, sualummik

¹ <https://kl.sermitisq.ag/inuussutissarsiutit/naatsorsuutigisamit-air-greenland-sinneqartoorteqarnerunngilaq/2083610>

² <https://kundeservice.airgreenland.gl/hc/kl-dk/articles/4902392368540-Pensionistunut-akikilliliinerit>

³ <https://aul.gl/kl/gl-ombord/ilisimassallugit-iluaqutaasut/>



Naleraq

angalaniarneq taamak akisoreertigisoq soraarninngornikunut billestit ukioq kaajallallugu ikilineqaratillu neqeroorutaasinnaanerat Naalakkersuisut misissuissasut.

Pisortanut aningaasatigut allaffissornikkullu kingunerisassai:

Misissuineq AC-fuldmægtigip ukumut akissarsiassaasa affaanik naleqassaaq, tassa kr. 250.000

Namminersortunut aningaasaatigut allaffissornikkullu kingunerisassai:

Qanorluunniit namminersortunut aningaasatigut iluaqutaassaaq, billestimmi akikillisussaammata.

Innuttaasunut aningaasatigut allaffissornikkullu kingunerisassai:

Innuttaasunut iluaqutaasussamik sunniuteqassaaq, angalasinnaasummi amerlissussaammata.